

Na osnovu člana 16. stav 4. Zakona o Vladi Zeničko-dobojskog kantona–Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 117. sjednici, održanoj dana 18.07.2013. godine, d o n o s i

ZAKLJUČAK

I.

Utvrđuje se Prijedlog Zakona o izmjenama Zakona o visokom obrazovanju.

II.

Prijedlog Zakona iz tačke I. ovog zaključka upućuje se u dalju skupštinsku proceduru, po hitnom postupku.

III.

Zaključak stupa na snagu danom donošenja.

Broj: 02-_____/13.
Datum, 18.07.2013. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON**

PRIJEDLOG

**MINISTARSTVO ZA OBRAZOVANJE,
NAUKU, KULTURU I SPORT**

**ZAKON
O IZMJENAMA ZAKONA
O VISOKOM OBRAZOVANJU**

Zenica, juni/lipanj 2013. godine

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na __ sjednici, održanoj _____ 2013. godine, donosi:

ZAKON O IZMJENAMA ZAKONA O VISOKOM OBRAZOVANJU

Član 1.

- (1) U Zakonu o visokom obrazovanju („Službene novine Zeničko-dobojskog kantona“, broj: broj: 6/09), u članu 149., u stavu (4), brojevi: „30.09.2011.“ zamjenjuju se brojevima: „31.12.2013.“, a brojevi: „30.09.2015.“ zamjenjuju se brojevima: „31.12.2016.“.
- (2) U stavu (5), brojevi: „30.09.2011.“ zamjenjuju se brojevima: „31.12.2013.“, a brojevi: „30.09.2015.“ zamjenjuju se brojevima: „31.12.2016.“.
- (3) U stavu (6), brojevi: „31.12.2013.“ zamjenjuju se brojevima: „31.12.2014.“.
- (4) U stavu (7), datum: „2011/2012“ se zamjenjuje datumom: „2014/2015“.

Član 2.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: _____/13.
Zenica, _____ 2013. godine

PREDSJEDAVAJUĆI

Sretko Radišić

Obrazloženje

Pravni osnov:

Pravni osnov za donošenje ovog zakona zasniva se na članu 37. stav 1. tačka f) Ustava Zeničko-dobojskog kantona.

Razlozi za donošenje:

Razlozi za donošenje ovog Zakona po *hitnom postupku* se zasnivaju na omogućavanju studentima magistarskih studija da okončaju započete studije, odnosno da kandidati za sticanje zvanja doktora nauka okončaju započeti postupak, kao i da oni koji su stekli naučno zvanje magistra nauka imaju mogućnost da započnu postupak sticanja naučnog stepena doktora nauka po propisima koji su važili do donošenja Okvirnog zakona, jer još uvijek nije organizovan doktorski studij po Bolonjskom sistemu studiranja.

S obzirom da je u Skupštini Zeničko-dobojskog kantona, od strane zastupnika Ibrahima Šišića, pokrenuta poslanička inicijativa za izmjenom Zakona o visokom obrazovanju („Službene novine Zeničko-dobojskog kantona“, broj: 6/09), te da su se Ministarstvu za obrazovanje, nauku, kulturu i sport, dopisima identične ili slične sadržine obratili i studenti postdiplomskog studija Pravnog, Mašinskog i Ekonomskog fakulteta Univerziteta u Zenici, u kojima je također tražena adekvatna izmjena člana 149. Zakona o visokom obrazovanju, a kojim su utvrđeni rokovi za početak i okončanje postupka za sticanje naučnog stepena magistra i doktora nauka, bilo je neophodno razmotriti sve aspekte relevantne za izjašnjenje po navedenim inicijativama, odnosno zahtjevima.

S tim u vezi, Ministarstvo je zatražilo mišljenje-stajalište od Univerziteta u Zenici koji je Ministarstvu dostavio *Prijedlog odluke, broj: 01-108-320-1780/13 od 29.05.2013. godine*, a u kojem je iznesen stav da je potrebno izvršiti izmjenu Zakona u segmentu prolongiranja rokova za okončanje započelih postupaka za sticanje naučnog stepena magistra i doktora nauka. Također, Univerzitet je zauzeo stajalište, da nije potrebno vršiti pomijeranje rokova za prijavu doktorskih radova.

Nakon razmatranja dostavljenih inicijativa, stajališta Univerziteta, ali i uporedene analize u postupanju drugih kantona po istom pitanju, Ministarstvo je izradilo Prijedlog zakona kojim su uvaženi stavovi podnosilaca zahtjeva. Naglašavamo da u prijedlogu resornog ministarstva nije uvažen stav Univerziteta u Zenici, da se ne pomijera rok za prijavu doktorskih radova, jer u ovom trenutku, (a prema postojećim formulacijama člana 149. Zakona o visokom obrazovanju), na Univerzitetu nije ni moguće započeti postupak sticanja naučnog stepena doktora nauka po propisima koji su važili do stupanja na snagu Okvirnog zakona, niti je organizovan doktorski studij po Bolonjskom sistemu studiranja, što određeni broj građana na području našeg kantona, dovodi u neravnotežan položaj.

Finansijski pokazatelj:

Donošenje ovog zakona neće zahtijevati dodatna izdvajanja finansijskih sredstava u odnosu na planirana sredstva u Budžetu Kantona.

Stoga predlažemo Skupštini Zeničko-dobojskog kantona da Prijedlog Zakona o izmjeni Zakona o visokom obrazovanju razmotri po *hitnom postupku*.